

Inatsisartut Suleriaasianni § 37 naapertorlugu matumuuna apeqqut imaattoq Naalakkersuisunut saqqummiuppara:

Apeqqut:

Aalisarneq pillugu Inatsisartut inatsisaata allanngortinnera pillugu Inatsisartut inatsisaat nr. 8, 22. november 2011-imeersoq (Piginnittuunermut tunngasut kiisalu pisassiissutit qaffasin-nerpaaffissaannik killiliinerup allanngortinnissaat)-nni; “§ 15 imm. 4 Raajartassiissutit inunnit ataasiakkaanit piginne-qatigiiffinniillu pigineqarsinnaasut toqqaannartumik imaluunniit toqqaannanngitsumik annerpaamik 15 % -mik piginnittuusinnaapput.”

Taama oqaasertalerlugu allannguuteqartikkaanni, pisortanut, namminersorlutik suliffeqarfi-utilinnut innuttaasunullu aningaasatigut allaffissornikkullu qanoq kinguneqassava?

(Inatsisartuni ilaasortaq Nikolaj Jeremiassen, Siumut)

Tunngavilersuut:

Sinerissap qanittuani raajarniat ukiup naanerani pisassaminnik nunguutsuarput, taamaalilluni ukiup sinnerani pisassaqaratik uninngaannalertarnerat.

Ajoraluatumilli kingunerluutini taanaannaq sunniutaaneq ajorpoq, nalunngilarpummi sinerissap qanittuani raajarniat aalisarsinnaajunnaaraangamik malitsigisaannik nunami sulisut kingunerani suliassaat ikilisartut aamma taamaalilluni isertitassaraluit akiligassaminnut atugassaat isertinngit-soorneqartalartarlutik.

Apeqquteqaatima ullut suliffiit qulit iluanni akineqarsimanissaat kissaatigaara